

# Шин диилврмүдәр уктлгън

Советск Союзин оln келн-  
әмтнүр кесн СССР-н Деед  
Советин дуудвриг Западн рай-  
она кўч-кўлсчнр ик байрта  
кевәр тосцхав. Эн дуудвр рай-  
она колхозникудт, кўдлмшч-  
нрт болн цуг әмтнд кўч-кўл-  
сни шин өргмдж өгв.

Западн района колхозникуд  
болн МТС-н, совхозмудин кўд-  
лмшчнр эн өдрмүдт әвртә  
кевәр гўджрдж кўдлджәнә.  
Өмннъ авсн даалгъвран дакнас  
хәләдж, өмнкәсн икәр шин  
даалгъвр авцхав. Улгүрлхд,  
Чапаевин нертә колхозин әх  
хөбч үр Манджиев Дордж та-  
ви хонгин эргцд хөд үвлзх  
газрур эврәннъ чидләрн хөбдт  
күрмәр өвс болн солом зөбдж  
авхар, хөбдән үвләс нег чи-  
гн гару уга гъар, тар-  
гън-цатхлнъг авч гаргъхар  
бий деерән шин даалгъвр авб.  
„Южный“ совхозин малч үр  
Серенов бий деерән даадж  
авсн малан үвләс таргън-цат-  
хлнъгар, гару уга гъар гаргъ-  
хар чидлән нөл уга шундж  
йовна.

112-ч номертә совхозин ма-  
шид ясдг мастерскойд кўдл-  
джәх кўдлмшчнр 1958 джилин  
январин нег шин күртл цуг  
ясгдх трактормудан ясдж дуу-  
схар социалистическ дөрлдә  
делгрүлдж йовцхана. Эн сов-

хозин мастерскойд токарь  
болдж кўдлджәх үр Подвлас-  
ова өдрә кех кўдлмшин зураг  
120-130 процент күргдж кў-  
цәлж йовна.

Башантинск дундин шко-  
лин ах сургъульчнр школин  
шин электростанц тосхджана.  
Тер электростанцан шидрәс  
тосхдж дуусхар адгълж йовц-  
хана. Эн электростанцнъ шко-  
лин гериг болн школин мастер-  
скойиг электрическ герләр  
тетгхмн.

Башантан поселк деер бәәдг  
Горькин нертә артель джилә  
зурагъан давулдж кўцәчкәд,  
шин джил күртл 70 миннъгън  
арслнъга хувц-хунр, гос болн  
нань чигн әмтнд кергтә хам-  
гиг кедж гаргъхар шинәс да-  
лгъвр авб. Эн авсн даалгъв-  
ран үзмджтә кевәр кўцәхин  
төлә эв-аргъинъ хәәдж йовна.

Советск Союзин оln келн-  
әмтнүр кесн Советск Социа-  
листическ Республиксин Со-  
юзин Деед Советин дуудвриг  
Западн района цуг кўч-кўлс-  
чнр сән кевәр меддж авч, эн-  
унә хәрүд шин диилврмүд  
кўцдж селәнә эдл-ахугъас  
гаргъдг эдл-уушиг улм икәр  
гаргъхин төлә ноолддж өв-  
цхана.

А. ДЖЕВАЛДЫКОВ.